

Epeso

Jesus hã h'yy ka'eeh do Epeso häd näng do panang bä habong do hã Paw-Ro ma erih do hahỹh

Kedëng do ky n'aa hahỹh

¹ Paw-Ro ỹ ti hỹh, P'op Hagä Do karën do hyb n'aa Kristo Jesus mejũ do see ỹ hado däk doo. Ỹ edëng bëeh, Epeso panang bä habong do tsyt hë P'op Hagä Do wë kasëew hõm doo, Kristo Jesus hã h'yy kata däk doo, ta hã h'yy kanerét doo.

² Äã karën P'op Hagä Do ër Yb, Jesus Kristo Tak'ëp Hyb N'aa Jawyk Do na-ããj hë ky en'yym bë hã. Äã karën baad bë rah'yyb en'yym.

Kristo hyb n'aa ji P'op Hagä Do ky n'aa edëng do ky n'aa hahỹh

³ Taw'ãäts hë ji j'aa etsë P'op Hagä Doo, ër Wahë N'aa Jesus Kristo h'yy kaha'eeh doo, ta Yb. Ti né ta ti tabag'ãäs doo bä ër taky n'aa edëng do sahõnh hë baad hadoo doo me, hỹ pong jé hana doo me, badäk hahỹh bä naa nadoo doo me. Ër taky n'aa edëng, Kristo hã ër h'yy kata däk tabanoo do hyb n'aa.

⁴ Hahỹh da tabad'oo ër hã: Sahõnh hë badäk hahỹ tapahuunh do pooj jé, Kristo hyb n'aa ër tabasëew hõm ta wë. Ër tabasëew hõm tsyt hë, nesaa do mahãnh, baad had'op doo da ër babok hyb n'aa ta matym gó. Ër takamahãn do hyb n'aa,

⁵ sahõnh hẽ tapahuunh do pooj jé, Jesus Kristo hyb n'aa ẽr hã tah'yyb dãng, ta taah ẽr bahadoo hyb n'aa kã. Tii d' tawén d'oo, tii da tah'yyb dãng do hyb n'aa, tii da takarên do hyb n'aa.

⁶ Ta wẽ ẽr tabasëew hõm, ta taah ẽr bahado däk tabanoo na-ããj hẽ, tak'ëp taky ennyw do hyb n'aa ji j'aa etsë hyb n'aa ta hã. Baad ẽr wẽ taky ennyw hõm ta T'aah hyb n'aa, takamahän doo.

⁷ Ta T'aah hyb n'aa, ta T'aah majyyw me ẽr tabed'ëep nesaa do mahãnh. Ta T'aah ẽr hyb n'aa tadajëp do hyb n'aa, tabawug hõm nesaa do ẽr h'yyb tym gó hanäng doo. Tii d' tawén d'oo, tak'ëp taky ennyw do hyb n'aa.

⁸ Tak'ëp né hẽ ẽr wẽ taky ennyw hõm. Sahõnh hã ẽr tah'yy gan'yyh, sahõnh hã ẽr h'yy kadaw'uuh tan'oo bã.

⁹ P'op Hagã Do karên do hyb n'aa tametã wät ẽr hã nyy da tah'yyb dãng tabad'oo Kristo hyb n'aa. Pooj jé, dooh hapäh pé tah'yyb dãng doo.

¹⁰ Hahÿ ti P'op Hagã Do h'yyb dãng tabad'oo: Tah'yyb dãng do noo gó kajaa bã kã, sahõnh hẽ, hÿ pong jé habong doo, badäk hahÿÿ hã habong do na-ããj hẽ, séd hã da tabata däk, sahõnh hẽ sa nu gabóg Kristo bahado däk hyb n'aa kã.

¹¹ Kristo hyb n'aa, ãã P'op Hagã Do asëew hõm ta karapee ãã bahadoo hyb n'aa. Tii d' tawén d'oo, p'ooj ub tah'yyb dãng do hyb n'aa tii da ãã hã tabad'oo. Takarên doo da né hẽ P'op Hagã Do moo wät sahõnh hẽ.

¹² Æã tabasëew hõm ta wẽ, P'op Hagã Do kabaj'aa do ãã j'aa etsë hyb n'aa, ãã pooj jé Kristo hã h'yy kae däk doo.

¹³ Kristo hyb n'aa, bë hã na-ããj hẽ taban'oo däg

kän ta karapee bë bahadoo hyb n'aa hÿÿ kä. Baad hadoo do ky n'aa, ji tabed'ëöp do panyyg n'aa hanäm do bë maa napäh bä, Kristo hä bë h'yy kae däk bä kä, bë hä taban'oo däg kän ta Sahee taky n'aa enooh do paah.

¹⁴ Ta jawén, ta karapee P'op Hagä Do baad tabed'ëöp noo gó kajaa bä kä, ër gadoo da sahõnh hë ër hä taky n'aa enooh doo. Pooj jé dó ër hä tabanoo ta Sahee, ta jawén ër gadoo do metëë n'aa. Sahõnh hë ta ti tawén d'oo, ta kabaj'aa do ji j'aa etsë hyb n'aa.

Jesus hä h'yy ka'eeh do sa hyb n'aa Paw-Ro ky n'aa etsëë do ky n'aa hahÿÿh

¹⁵ Ti hyb n'aa, ÿ ky n'aa napäh bä Jesus, Tak'öp Hyb N'aa Jawyk Do hä bë h'yy kae däk doo, sahõnh hë ta hä h'yy ka'eeh do bë kamahän ÿ ky n'aa napäh bä na-ããj hë,

¹⁶ ÿ paa du doo P'op Hagä Do hä ÿ j'aa etsë bë hyb n'aa. Dooh ÿ eréd bä bë hyb n'aa P'op Hagä Do ÿ j'aa etsë doo. P'op Hagä Do hä ÿ ky n'aa etsëë bä, bë ÿ ky n'aa ets'ëë had'yyt hë.

¹⁷ P'op Hagä Do ër Wahë N'aa Jesus Kristo h'yy kaha'eeh doo, ër Yb tak'öp kabaj'aa doo, tak'öp baad hadoo do hä ÿ ky n'aa etsëë, ta Sahee me bë tah'yy gan'yyh hyb n'aa, bë hä tagahoot hyb n'aa na-ããj hë, baad P'op Hagä Do bë bahapäh hyb n'aa kä.

¹⁸ Bë hyb n'aa ÿ ky n'aa etsëë, bë h'yy kadaw'uuh P'op Hagä Do an'oo bä, bë hapäh hyb n'aa ny hadoo do baad hadoo do ta jawén bë gadoo do pan'aa

bë P'op Hagä Do wén naëej wät.* Æã karën bë bahapäh tak'ëp hajõng doo, tak'ëp hetsooh do ta karapee tsyt hë ta wë kasëew bong do sa hã taky n'aa enooh doo, ta jawén ragadoo hyb n'aa.

¹⁹ Æã ky n'aa etsëë na-ããj hë bë bahapäh hyb n'aa, tak'ëp sahõnh hë bahãnh hadoo do ta hejój ëër, ta hã h'yy ka'eeh do hã tanoo doo. Ti né hë ta ti ta hejój tak'ëp ta kabaj'aa doo me tametëeh doo,

²⁰ dejëp do mahang Kristo ganä wät tan'oo bä. Ta ti hejój me né hë, hÿ pong jé, ta hub hadäk hënh, takaweh'ëeh doo bä, Kristo basooh P'op Hagä Do an'oo bä,

²¹ sahõnh hë kabaj'aa do ji nahapäh do sa bahãnh, sahõnh hë bag'ããs do ji nahapäh do sa bahãnh, sahõnh hë hejój enäh do ji nahapäh do sa bahãnh, sahõnh hë mejüü do ji nahapäh do sa bahãnh Kristo bahado däk hyb n'aa kä. Sahõnh hë hyb n'aa jeyyk doo, da hë habong doo, ta jawén habong do na-ããj hë, sa bahãnh hyb n'aa jawyk Kristo bahadoo P'op Hagä Do an'oo bä na-ããj hë.

²² Sahõnh hã Kristo mejüü P'op Hagä Do an'oo bä, sa hã taj'aa ketsëë däk do hyb n'aa. Sahõnh hë ta hã h'yy ka'eeh do sa nu gabóg Kristo, P'op Hagä Do an'oo bä.

²³ Kristo hã h'yy ka'eeh doo, Kristo hub hadoo, ta tsyym hadoo, ta moo hadoo. Sa hyb n'aa baad sahõnh hë takaja däk Kristo wë, ta hã rakata däk hyb n'aa. Kristo né hë ti sahõnh hë baad takaja däk hanoo doo.

* **1:18** Badagyp do hadoo doo gó ji bawät nä noo gó, ji P'op Hagä Do naëënh Jesus hã ji h'yy ka'eeh hyb n'aa, edëb had'yyt do takarën tabanoo do hyb n'aa ji hã. Hajõng baad hadoo do na-ããj hë takarën tabanoo ji hã.

2

¹ Bëeh, dejëp do hadoo bë h'yyb tym p'ooj ub P'op Hagä Do hä, tamejũ do bë ky nadaheeh do hyb n'aa, baad nadoo do bë moo bok do hyb n'aa na-ãj hë.

² Nesaa do bë moo heb'ooh paah, badäk hahỹ hã habong do P'op Hagä Do hä h'yy kana'eeh do rabahed'oo doo da né hë. Ti noo gó bë paa ky daheeh Nesaa Do Yb, karap'aar h'yyb nesaa do wë hã habong do sa wahë n'aa, P'op Hagä Do hä ky nadah'eeh do sa h'yyb mejũ doo.

³ ãã na-ãj hë, ãã sahõnh hë, ky nadah'eeh do sa da h'yyb hadoo paa ããh, Jesus hä ãã h'yy kana'eeh nä bã. Nesaa do ãã hub karën do jawén, ãã h'yyb säg karën do jawén na-ãj hë ãã babok paah. Nesaa hyb n'aa ji h'yyb ji henäng noo gó naa, ãã na-ãj hë P'op Hagä Do rejãã paawä, sahõnh hë ta wób sa nemuun.

⁴ Ti hado né paawä, P'op Hagä Do tak'ëp ji tat'yyd mehĩn doo, tak'ëp ër takamahãn do hyb n'aa

⁵ ër tabedëeb wät hadoo Kristo sii ër dejëp do hadoo noo gó. Dajëp hadoo paa ëer, P'op Hagä Do mejũ do ër ky nadaheeh do hyb n'aa. (Jããm hë bë hä taky enyym do hyb n'aa bë tawén edëeb wät nesaa do mahãnh. Dooch bë hanaa tado bã tii.)

⁶ Kristo sii ër ganä wät hadoo tan'oo bã, Kristo Jesus sii hỹ pong jé ër bat'oonh hadoo tan'oo bã na-ãj hë,* Kristo hä ër h'yy kata däk do hyb n'aa.

⁷ Tii d' tawén d'oo, tak'ëp, sahõnh hë bahãnh hadoo do taky enyym do hỹ jawén sahõnh hã

* **2:6** Ta sii ër bag'ããs hyb n'aa, ta sii hỹ pong jé ër bat'oonh tan'oo bã.

takametëeh hyb n'aa. Ër hã Kristo Jesus bad'oo do hã kametä däk tak'ëp ji wë taky enyym doo.

⁸ Jããm hë bë hã taky enyym do hyb n'aa bë tedëeb wät nesaa do mahãnh, bë h'yy ka'eeh do hyb n'aa ta hã. Dooh bë hanaa tado bä tii. P'op Hagä Do anoo tii, ji matym n'aa hadoo.

⁹ Dooh baad hadoo do ji moo wät do hyb n'aa ji tawén ed'ëep, ji daaj hë ji hã hë ji h'yy kasabé mahãnh.

¹⁰ P'op Hagä Do mo haj'aa ëer. Papuuj ër tapehuh Kristo Jesus hyb n'aa, baad hadoo do ër moo bok hyb n'aa hÿÿ kä. P'op Hagä Do enyiw däk paa ër pooj jé ta ti baad hadoo do ër moo bok do pan'aa.

Séd rah'yyb hedo däg kãn sahõnh hë Kristo hã h'yy ka'eeh do ky n'aa hahÿÿh

¹¹ Ti hyb n'aa, bëeh, Judah buuj nadoo doo, “Masuuj noo byyh kanehõk do” bë ramaneëenh do Judah buuj hã, sa daaj hë “Masuuj noo byyh kehõk do” rakamaneëenh do hã, bë hyb n'aa newë nyy da pooj jé bë babok do paah. (Ta ti Judah buuj bad'oo doo, sa daaj hë sa hã hë ramoo bok do tii.)

¹² Ti noo gó, dooh Kristo bë hapëe bä. Dooh Isaraéw buuj, P'op Hagä Do karapee uuh bë do bä. Dooh bë gado bä ti noo gó Isaraéw buuj sa hã P'op Hagä Do ky n'aa enooh doo, sa uuh bë nadoo do hyb n'aa. Badäk hahÿÿ bä bë baboo né paawä, dooh baad hadoo do bë gada pé ti noo gó, daap bë babok, dooh P'op Hagä Do bë hapëe bä ti noo gó.

¹³ Hÿÿ kä, Kristo Jesus hã bë h'yy kata däk do hyb n'aa, bëeh, pooj jé dawëe P'op Hagä Do mahãnh habong doo, p'eets hë, ta wë bë tamana kãn, Kristo ji hyb n'aa tadjëp do hyb n'aa.

14 Kristo né ti hanoo, Judah buuj, Judah buuj nadoo do rakamanajě bong hyb n'aa. Séd uuh hě ər bahado dāk tan'oo bā kā. Pooj jé ti anäng ta baa besuu n'aa hadoo, sa h'yyb gó Judah buuj dooh ragado bā Judah buuj nadoo do hanoo doo. Dooh séd rah'yyb hedo bā pooj jé, rakamaj'ĩ paah. Hỹỹ kā Jesus ado hõm ta baa besuu n'aa hadoo doo.

15 Hahỹỹ d' tabad'oo tii: Ji hyb n'aa tadajěp do hyb n'aa, dooh Mosees ky n'aa jaw'yyk doo, hajõng hedoo do hã ji tamejũũ do hyb n'aa tado wäd bā P'op Hagä Do ji tagadoo, Kristo an'oo bā. Tii d' tawén d'oo papuuj hadoo do takarěn. Takarěn sét rabahado paděek Judah buuj Judah buuj nadoo doo, ta hã rah'yy kata dāk do hyb n'aa. Tii d' tabad'oo do hyb n'aa, tado hõm rakamaj'ĩ doo.

16 B'aa kajatsěk do hã tadajěp do hyb n'aa, tado hõm kãn rakamaj'ĩ doo. P'op Hagä Do najiis raba-hado paděek tan'oo bā, b'aa kajatsěk do hã tadajěp do hyb n'aa. Dooh ta majĩĩ rahado boo bā tan'oo bā, ta hã h'yy ka'eeh doo.

17 Kristo ewäd hyng, ta ky n'aa hanäm do ji tama-her'oot hyb n'aa. Ta ky n'aa hanäm do an'oo bā h'yyb nyyw gó ji bawät P'op Hagä Do wë, ta wób sa wë na-ãäj hě. Bë hã, dawëë P'op Hagä Do mahãnh habong do paa hã, ãã Judah buuj hã, P'op Hagä Do ky n'aa napäh do hã na-ãäj hě tamaher'ood wät ta ti ky n'aa.

18 Hỹỹ kā Kristo hyb n'aa, sahõnh hě ëer, Judah buuj, Judah buuj nadoo do na-ãäj hě, ər hajaa ər ana bā ər Yb hỹ pong jé hawät do matym gó,† sét ub ta Sahee hyb n'aa, ər gadoo doo.

† 2:18 Ji ky n'aa ets'ëë bā tii, ji ma ejäm bā, P'op Hagä Do ji j'aa etsëë bā na-ãäj hě.

19 Ti hyb n'aa kä, bëeh, Judah buuj nadoo doo, dooh ta wób buuj bë do wäd bä. P'op Hagä Do karapee uuh né hë bë hÿÿ kä. P'op Hagä Do taah né hë bëeh, ta wób sa nemuun.

20 Tsäng s'ëëb, tób pan'aa ta hejó j n'aa jó ji at'ëëg häng do hadoo bëeh. Jesus mejüü doo, Jesus ky n'aa rod na-ããj hë, ta ti tób hejó j n'aa hadoo. Pã yb, sahõnh hë tób mesoo doo, Kristo Jesus né hë tii.

21 Sahõnh hë ëër, ër h'yy kata däk Kristo hä. Kristo hyb n'aa, p'op gadat'ëë sëek do hadoo tób pan'aa hadoo do ëër, P'op Hagä Do tób n'aa hadoo ër bahadoo hyb n'aa, tsyt hë Tak'ëp Hyb N'aa Jawyk Do wë kasëew däk doo.

22 Kristo hä bë h'yy kata däk do hyb n'aa, bëeh, Judah buuj nadoo doo, bë na-ããj hë séd hä bë h'yy kata däk sahõnh hë Jesus hä h'yy ka'eeh do wób sa sii, P'op Hagä Do tób n'aa hadoo ër bahadoo hyb n'aa kä. Ta Sahee ër mahang tabawäd kãn.‡

3

1 Ti hyb n'aa kä, ÿÿh, Paw-Ro, Judah buuj nadoo do hä Kristo Jesus ky n'aa ÿ ma metëek do hyb n'aa ÿ radawäts geët doo, ÿ ky n'aa etsëë bë hyb n'aa.

P'op Hagä Do h'yyb däng do Paw-Ro hä takametä däk do ky n'aa hahÿÿh

‡ 2:22 Hahÿ tahanäng pé ti tég nad'ëëd is do 20, 21, 22 hä kerii däk doo: Sét ken'yyh sahõnh hë ëër, ër ky daheeh Kristo ky n'aa Jesus mejüü doo, ta ky n'aa rod na-ããj hë ër hä rama met'ëëg wät doo. Kristo hyb n'aa né hë séd hä ër h'yy kata däk. P'op Hagä Do karapee, tsyt hë ta wë kasëew bong do ër bahado däk Kristo an'oo bä. Ta Sahee me P'op Hagä Do awät hÿÿ kä ër mahang.

² Hã ÿ P'op Hagä Do anoo, bëeh, Judah buuj nadoo do ÿ ma metëek hyb n'aa ji wë taky enyym do ky n'aa. Hã ÿÿ, bë ky n'aa napäh hã ÿ tan'oo däk doo.

³ Ta h'yyb däng doo, pooj jé ji nahapäh nä do P'op Hagä Do metä wät hã ÿÿ. Ganapog is doo me bë ÿ ma erii däk ta ti ky n'aa hã nag'aap hë.

⁴ Bë ner'ood bä, bë hyb n'aa matakä bä, bë hapäh da, baad ÿ bahapäh Kristo ky n'aa pooj jé ji nahapäh doo.

⁵ P'ooj ub, ji wahë makũũ hã dooh P'op Hagä Do metä bä paa nyy da tah'yyb däng tabad'oo doo, da hë ta Sahee me Jesus mejũũ do sa hã, ta ky n'aa rod sa hã na-ãäj hë tametëeh do pënh. Tsynt hë ta wë tasëew hõm do sa hã tametä kãn.

⁶ Hahÿ ti da hë tametëeh doo: Jesus ky n'aa hanäm do ragado bä, séd hã rah'yy kata däk Kristo Jesus hã. Ti hyb n'aa kä, Judah buuj nadoo do ragadoo da Judah buuj sii P'op Hagä Do sa hã taky n'aa edëng doo. Sét hë Jesus hub hadoo rabahado padëek Judah buuj sa sii. Sét né hë P'op Hagä Do karapee rabahado padëek. Judah buuj sa sii ragadoo da hÿÿ kä P'op Hagä Do ky n'aa enooh doo.

⁷ P'op Hagä Do ky enyym do hyb n'aa wë ÿÿ, ta hejój hã ÿ tabanoo do hyb n'aa, hã ÿ taban'oo däk ta ti ky n'aa hanäm do panäg n'aa ÿ bahadoo hyb n'aa.

⁸ Sahõnh hë P'op Hagä Do karapee sa yd jé had'os do né paawä ÿÿh, P'op Hagä Do anoo hã ÿÿ, Judah buuj nadoo do sa hã ÿ maher'oot hyb n'aa Kristo tak'ëp ky enyym doo, tak'ëp kabaj'aa do ky n'aa. Dooh ji haja bä baad ji h'yy kadawuung bä Kristo

wë hanäng do hä. Jääm hë ta uuh hä ji h'yy kadaw'uuh, tak'ëp ta bahänh baad tabahadoo do hyb n'aa.

⁹ P'op Hagä Doo, sahõnh hë mo haj'aa näng doo, hä ÿ tabanoo ta wób ÿ maher'oot hyb n'aa nyy d' tabad'oo tah'yyb däng doo, p'ooj ub sahõnh hë badäk hahÿÿ bä habong do paa hä tamanetëeh doo, ta h'yyb gó tenäm doo.

¹⁰ Tii d' P'op Hagä Do wén d'oo, hÿÿ kä, Jesus hä h'yy ka'eeh do sa hyb n'aa kametä däk hyb n'aa wë hä habong do kabaj'aa do sa hä, wë hä bag'ääs do sa hä na-ääj hë, P'op Hagä Do h'yy ganäng sahõnh hë hä.

¹¹ P'ooj ub, sahõnh hë tadu dahäng do pooj jé P'op Hagä Do h'yyb gó tabanyy däk doo da né hë tabadoo kán ta tii, Kristo Jesus, Ër Wahë N'aa bad'oo do hä.

¹² Kristo hä ër h'yy kata däk do hyb n'aa, ta hä ër h'yy ka'eeh do hyb n'aa na-ääj hë, h'yyb neÿÿm doo me ër hajaa ër ana bä P'op Hagä Do matym gó ër ky n'aa ets'ëë bä, ër ma ejäm bä. Dooh ge'ÿÿm pé ji.

¹³ Ti hyb n'aa ÿ etsëë bë hä, bë h'yy gejë hõm manäh, nesaa do ÿ radawäts gëet doo bä bë hyb n'aa ÿ ahoop do hyb n'aa, baad tabahadoo hyb n'aa bë hä ta ti ÿ ahoop doo. Taw'ääts hë bë tsebee ta ti hyb n'aa.

¹⁴ Ti hyb n'aa kä, taron ÿ nu paa me ÿ bahyy häng ër Yb hÿ pong jé hawät do wë, bë hyb n'aa ÿ ky n'aa etsëë hyb n'aa.

¹⁵ Ta ti ër Yb an'oo bä hÿ pong jé habong doo, sahõnh hë badäk hahÿÿ hä habong do na-ääj hë rababok hyb n'aa.

¹⁶ Tak'ëp ër Yb kabaj'aa, tak'ëp baad ub. Ti

hyb n'aa ŷ ky n'aa etsēē ta Sahee me bē tah'yyb hej'oonh hyb n'aa.

17 Āã ky n'aa etsēē na-ããj hē bē h'yyb gó Kristo bawäd had'yyt hē hyb n'aa, ta hã bē h'yy ka'eeh do hyb n'aa. Āã ky n'aa etsēē bēeh, baad had'yyt hē bē kamahãn hyb n'aa, kamahãn gó sahõnh hē bē moo bok hyb n'aa,

18 sahõnh hē P'op Hagä Do karapee wób sa sii baad bē h'yy kadaw'uuh hyb n'aa tak'öp baad had'op ji Kristo kamahãn do hã.

19 Āã karēn paawä bē bahapäh ta ti ji Kristo kamahãn doo, dooh né paawä ji haja bä sahõnh hē ji hapēē bä, ta bahãnh baad ub tabahadoo do hyb n'aa. Ji hã takamahãn do bē bahapäh ŷ wén karēn, baad bē h'yyb gó P'op Hagä Do bawät hyb n'aa, P'op Hagä Do bawät doo da né hē bē baboo däk hyb n'aa kä.

20 Ta hã er hajaa er ky n'aa etsēē do bahãnh, er hajaa er hyb n'aa newēē do bahãnh tak'öp P'op Hagä Do hajaa tamoo wät er mahang, ta hejój me er h'yyb gó hawät doo me.

21 Āã karēn Jesus hã h'yy ka'eeh do sa hyb n'aa, Kristo Jesus hyb n'aa na-ããj hē P'op Hagä Do kawehēē däg had'yyt hē. ŸŸ. Tii d' né hē. Taw'ãäts hē.

4

P'op Hagä Do karēn doo da ji bawät do ky n'aa hahŷŷh

1 Ti hyb n'aa, ŷŷh, Tak'öp Hyb N'aa Jawyk Do ky n'aa ŷ ma metēek do hyb n'aa ŷ radawäts gēēt doo, tak'öp ŷ betsēē bē hã P'op Hagä Do ta wē tats'yyt do sa hã takarēn doo da né hē bē babok.

² Taw'ãäts hē dooh né hē bë h'yy kasabé bä. Taw'ãäts hē kaja hē denaa hē bë h'yyb bë mahũũm ta wób sa wë. Nyyw hē bë kawaj'ãän manäh. Taw'ãäts hē kamahän gó bë gadoo, ta wób bë ganen'aak do ramoo boo né paawä bë hã.

³ Séd èr h'yyb hedo däk P'op Hagä Do Sahee an'oo bä. Ti hyb n'aa taw'ãäts hē bë hyb n'aa tam'aah, h'yyb nyyw gó had'yyt hē bë babok ta wób sa wë, tanahänh hyb n'aa séd bë h'yyb hedoo doo.

⁴ Sét né hē Jesus hub hadoo èer, ta hã h'yy ka'eeh doo. Sét né hē P'op Hagä Do Sahee èr gadoo doo. Ti hadoo na-ãäj hē, sét né hē baad hadoo do bë gada do ta jawén bë gadoo do pan'aa, bë P'op Hagä Do wén naëëj wät.

⁵ Sét né hē èr Wahë N'aa, Jesus, Tak'ëp Hyb N'aa Jawyk Doo. Sét né èr h'yy ka'eeh doo. Sét né hē èr nu gahem'uun doo.

⁶ Sét né hē P'op Hagä Doo, sahõnh hē ta hã h'yy ka'eeh do sa Yb, sahõnh hē tabag'ãäs doo, sahõnh hã moo wät doo, sahõnh hē èr h'yyb gó hawät doo.

⁷ Tii d' tahado né paawä, sét nado èr hã tanoo do èr hajaa doo. Kristo h'yyb däng doo da, sahõnh hē sa hã tabanoo ji hajaa do P'op Hagä Do Sahee anoo doo.

⁸ Ti hyb n'aa né hē hahỹỹ da P'op Hagä Do kyy kerih do her'oot paah:

“P'op tabasëëk noo gó,
duu hënh rabana ta majĩĩ wób tameso padëëk do
tan'oo bä.
Tii bã sa matym n'aa taban'oo däg kãn ta karapee
hã.”*

* **4:8** Saaw-Mo 68.18

9 (Hahỹĩ d' tahanäng pé ti p'op tabasëek doo: Tabasëek do pooj jé badäk hahỹĩ bã Kristo bewäd hyng.

10 Ti né hẽ ti hỹ pong jé hasëek do sahõnh hẽ sa bahãnh tabahado däk hyb n'aa, sahõnh hẽ tabag'ããs hyb n'aa kã.)

11 Ti né hẽ ti ta wób hã tabanoo ta mejũũ do rabahadoo hyb n'aa. Ta wób hã tabanoo P'op Hagä Do Sahee sa hã metëeh do her'oot doo. Ta wób hã tabanoo ta panyyg hanäm do jé pad'yyt hẽ rabaher'ood hõm hyb n'aa. Ta wób hã tabanoo Jesus hã h'yy ka'eeh do sa hagã n'aa, sa ma matëg rabahadoo hyb n'aa.

12 Ti hadoo pé tawén noo sa hã, P'op Hagä Do karapee ramasa hyb n'aa, takarën do ta karapee rahajaa ramoo bok hyb n'aa. Tii d' tawén d'oo na-ããj hẽ, Kristo hã h'yy ka'eeh do rah'yy kahej'oonh hyb n'aa, baad rah'yy ka'eeh, baad raky dahé magyys hẽ hyb n'aa,

13 sahõnh hẽ ëer, séd hã ër h'yyb hedo däg kãn hyb n'aa ër h'yy kaha'eeh do hyb n'aa, P'op Hagä Do T'aah ër hapäh do hyb n'aa. Aj'yy h'yyb mapëë däk do hadoo ër bahado däk tii bã, Kristo hado däk né hẽ ër bahadoo hyb n'aa kã.

14 Tii bã, dooh karepé ër hado boo bã kã. Dooh h'oo t'aah hadoo ër hado boo bã, jé pad'yyt hẽ maadaka maeh do mahũũm doo, jé pad'yyt hẽ bah'ood ahëm hõm doo. Dooh ajyy ji hã wad'ii doo, h'yy kamep'ëeh doo me panyyg hahup nadoo do rama mehet'ëek do ër ky dahé wäd bã, ỹ hanäng péh.

15 Hỹĩ kã, taw'ããts hẽ kamahãn gó ër ber'oot ër maa newëe baad hadoo do ky n'aa, sahõnh hẽ ta

tii hã er h'yyb mepëe däk hyb n'aa, Kristo hadoo er bahado däk hyb n'aa kä. Ta hã h'yy ka'eeh do sa nu gabóg né ti Kristo.

¹⁶ Ta hub hadoo ëer. Sahõnh hẽ ji hã hanäng doo, ji tsyym hedoo doo, ji moo hedoo doo, ji jarãã masoo baad tabahadoo hyb n'aa. Sahõnh hẽ ji hã hanäng do baad rado bä, baad ub tii bä ji, ji hejoonh. Ti hadoo er hã, Jesus hã h'yy ka'eeh do hã: Kamahän gó er sahõnh hẽ er moo boo bä Kristo, er nu gabóg, sét ken'yyh er hã tanoo doo, tii bä er da h'yy kahej'oonh, baad er h'yy kae magyys hẽ, baad er ky dahé magyys hẽ.

¹⁷ Ti hyb n'aa, Tak'ëp Hyb N'aa Jawyk Do kyy gó tak'ëp péj bë ÿ mejũũ, P'op Hagä Do sa h'yyb gó nahapäh do rababok doo da bë aboo boo manä wäd! Daap hadoo do rahyb n'aa newëe do jawén rababok tii.

¹⁸ H'yy gatamah baad hadoo do hã. Nabuj keh'ũũm do hyb n'aa, dooh rah'yy kadawuung bä, dooh rah'yy gah'ood bä P'op Hagä Do hã. Ti hyb n'aa dooh rahapëe bä na-ããj hẽ papuuj gó ji awät doo, ji hã P'op Hagä Do anoo doo.

¹⁹ Rawao däk nesaa do ramoo bok do hã. Ti hyb n'aa dooh ranu mebyy wäd bä nesaa do ramoo bok do hã. Sa h'yyb karën do jawén rababoo had'yyt hẽ. Hajõng hedoo pé nu meby n'aa näng do ramoo boo had'yyt hẽ. Dooh rah'yy keba bä ta ti hedoo do hã. Kah'ũũm ta ti nesaa do rakarën doo.

²⁰ Bëe kä, dooh ta ti rababok doo da bë aboo boo bä do hyb n'aa Kristo bë wén hapëe däk bë h'yyb gó.

²¹ Bë ky n'aa napäh né hẽ Kristo ky n'aa. Bë ãã ma met'ëëg wät nyy da takarën bë babok, ta hã bë

h'yy kata däk do hyb n'aa. Baad hadoo do ky n'aa Jesus hanaa bë ãã ma met'ëëg wät doo.

22 Bë ãã ma met'ëëg wät, bë beréd hōm hyb n'aa pooj jé bë babok do paah, ji h'yyb karēn do ji tawadii do hyb n'aa baad nado wäd doo.

23 Bë ãã ma met'ëëg wät, bë an'oo bë P'op Hagä Do h'yyb wareem.

24 Bë ãã ma met'ëëg wät, bë gadoo hyb n'aa kä bë h'yyb tym papuuj, P'op Hagä Do mo haj'aa ta da hadoo tabahadoo hyb n'aa. Baad had'op ji bawät, P'op Hagä Do karēn doo da ji bawät ta ti an'oo bä. Baad hadoo do hanaa ta tii da ji bawät doo.

25 Ti hyb n'aa bë noo kanesa manäh. Taw'ãäts hē bë noo gehub bë da hadoo do sii bë er'ood bä, séd uuh ér sahōnh hē ér bahadoo do hyb n'aa.

26 Bë kawaj'ãän bä, bë an'oo manä baad nadoo do bë moo boo ta ti hyb n'aa. Kawaj'ãän bë hyb n'aa hüüm manäh. Bë h'yyb ehód manä bë kawaj'ãän doo.

27 Bë an'oo manä ta tyw n'aa Dijab† hã, bë tah'yyb natatuk hyb n'aa.

28 Pooj jé hets'ëëk doo, taw'ãäts hē dooh tetsëëg wäd bä. Taw'ãäts hē tamoo wät hÿÿ kä, ta wë tabanäng hyb n'aa, wë bedoh do tamasa hyb n'aa kä.

29 Bë esog manä nesaa do ta wób h'yyb rejãã doo. Jããm hē baad hadoo doo, ta wób masa do bë her'ood. Ji da hadoo do h'yy katón bä, ji h'yyb en'yym ji her'oot doo me. Tatseebe bä, tsebé doo

† 4:27 Gereg kyy me ramaneënh Nesaa Do Yb, Dijab. “Ji taky n'aa tapa had'yyt doo”, tahanäng pé ti Dijab.

me ji ber'oot. Ti hõm do had'yyt hẽ. Tii d' bẽ bad'oo baad tanu däng hyb n'aa maa new'ëẽ do sa hã.

³⁰ Bẽ er'ood manäh, bẽ moo boo manä na-ããj hẽ P'op Hagä Do Sahee h'yy katón hanoo doo. Ta Sahee P'op Hagä Do anoo dó ẽr hã, ẽr ta kara-pee tametëeh hyb n'aa. Tanoo dó ẽr hã baad ẽr tabed'ëep bã kä.

³¹ Taw'ããts hẽ bẽ eréd hõm sahõnh hẽ bẽ man-abaan doo, h'yy ganapũũ doo, ji kawajãan doo, ky ked'aak doo, ta see ji ky n'aa rejãã do na-ããj hẽ. Taw'ããts hẽ bẽ eréd hõm né hẽ bẽ da hadoo do bẽ pan'aa takyyk doo.

³² Taw'ããts hẽ h'yyb nyyw gó bẽ gadoo ta wób. Taw'ããts hẽ bẽ t'yyd mehũĩn bẽ da hadoo doo. Taw'ããts hẽ bẽ mabaan hõm baad nadoo do ta wób bẽ hã rabad'oo doo, nesaa do bẽ moo bok do paah Kristo hyb n'aa P'op Hagä Do mabaan hõm doo da né hẽ.

5

¹ Ti hyb n'aa, taw'ããts hẽ P'op Hagä Do bad'oo doo da né hẽ bẽ bad'oo, ta taah tak'ëp takamahãn do bẽ bahadoo do hyb n'aa.

² Taw'ããts hẽ kamahãn gó bẽ babok, Kristo ẽr takamahãn doo da né hẽ, ta daaj hẽ takan'oo däk doo, ẽr hyb n'aa tadajëp hyb n'aa. P'op Hagä Do h'yy gadajang Jesus hã, ta daaj hẽ takan'oo däk do hyb n'aa ẽr hyb n'aa tadajëp noo gó.

³ Bẽ aã manä bẽ ÿÿm nadoo do sii, bẽ patug nadoo do sii. Bẽ moo boo manä nesaa do nu meby n'aa näng do bẽ hã hanäng doo me. Bẽ hyb n'aa hũũm manä bẽ ma. Tabad'op hẽ ti hedoo do bẽ moo boo manäh. Dooh bẽ er'ood bẽ da hadoo do

sii ta ti hedoo do ky n'aa. Dooh tii da P'op Hagä Do karapee tsyt hē ta wē tasēew hōm do raboo bā.

⁴ Bē er'ood manā nesaa do nu meby n'aa nāng doo. Daap hadoo do na-āāj hē, taw'āāts hē dooh bē her'ood. Taw'āāts hē dooh bē ky masuuj bā nu meby n'aa nāng doo me ta wób rakawew'aam hyb n'aa. Dooh tii da rer'ood bā Jesus hā h'yy ka'eeh doo. Taw'āāts hē hahÿÿ da bē bad'oo: P'op Hagä Do wē er tsebē baad hadoo do er hā tanoo do hyb n'aa.

⁵ Baad ÿ karēn bē bahapäh hahÿÿh: Sa ÿÿm nadoo do sii, sa patug nadoo do sii he'ÿÿh doo, nesaa do nu meby n'aa nāng do sa hā hanāng doo me ramoo bong doo, sa ma rahyb n'aa h'ũũm do na-āāj hē, dooh ragado bā Kristo P'op Hagä Do daheeh rabag'āās doo bā. Sa ma rahyb n'aa h'ũũm doo, kabarii hā h'yy kaha'eeh do hadoo, sa ma hā rah'yyb padēek do hyb n'aa. Dooh P'op Hagä Do hā rah'yy kae heh'āät ta tii.

⁶ Bē gado manā ky kamep'ēeh doo me bē rakarēn bā bē rawad'ii bā, ji hajaa nanāng nesaa do ji moo wād bā raher'ood bā. Ta ti hedoo do hyb n'aa né hē P'op Hagä Do rejāā da nabuj keh'ũũm doo.

⁷ Ti hyb n'aa sa da bē h'yyb hedo manāh.

⁸ Badagyp do hadoo doo gó bē babok paah. Hÿÿ kä ta bag hadoo doo gó bē baboo dāk Tak'ēp Hyb N'aa Jawyk Do hā bē h'yy kata dāk do hyb n'aa. Ti hyb n'aa taw'āāts hē ta bag hadoo doo gó né hē bē babok.

⁹ Ta bag gó ji awād bā, baad ji ky enyym, baad hadoo do P'op Hagä Do karēn do ji moo wāt, dooh ji noo kanesa bā, dooh ji wad'ii bā.

¹⁰ Baad bē hyb n'aa newē, Tak'ēp Hyb N'aa

Jawyk Do karĕn do hã bĕ h'yy kadaw'uuh hyb n'aa.

¹¹ Bĕ moo boo manã badagyp do hadoo doo gó habok do ramoo heb'ooh doo. Dooh baad hadoo do ta ti hanaa. Bĕ maher'ood sa hã, bĕ metãh sa hã, baad nado rabahapãh hyb n'aa ta ti badagyp hadoo doo gó moo kahew'ĕĕt doo.

¹² (Nu meby n'aa nãng kejĕn doo gó ramoo heb'ooh do ky n'aa ji her'ood bã.)

¹³⁻¹⁴ Ti hadoo né hĕ, sa hã ji maher'ood bã, ji metã bã sa hã nyy da P'op Hagã Do karĕn ji hã, nesaa do né hĕ ti ramoo bok doo, rabahapãh da tii bã. Ta bag banãng bã ji manyyh do badagyp doo gó kejĕn do hadoo tii. Ta bag metĕĕh, ji bahapãh da ny hadoo ta tii. Ti hyb n'aa hahÿÿ da ta wób sa kyyh:

“Ty gawĕĕj dãg haÿÿh do òm.

Ganã da dejĕp do mahang hawãt do òm.

Tii bã Kristo bag adãng da a hã.”*

¹⁵ Ti hyb n'aa, taw'ããts hĕ baad bĕ hyb n'aa matakã nyy da bĕ babok. H'yy gatemah do rababok doo da bĕ aboo manãh. Taw'ããts hĕ P'op Hagã Do karĕn do hã h'yy genãh do rababok doo da bĕ babok.

¹⁶ Ta tyw n'aa nyy bã baad hadoo ji moo wãt hyb n'aa, taw'ããts hĕ bĕ moo boo né hĕ baad hadoo doo, nesaa do jé pad'yyt hĕ takah'ũũm kãn do hyb n'aa da hĕ.

* **5:13-14** Gadagyp do hadoo doo gó habok doo, ha'ÿÿh do hadoo, dejĕp do hadoo na-ããj hĕ P'op Hagã Do ranahapãh do hyb n'aa. Kristo ky n'aa ji gado bã ji ty gawĕĕj dãk do hadoo, ji ganã wãt do hadoo.

17 Ti hyb n'aa bë h'yy gatema manäh. Taw'ääts hë bë h'yy kadaw'uuh Tak'ëp Hyb N'aa Jawyk Do karēn do hã.

18 Bë eëg manä hejooñh do bë ba'oom hyb n'aa. Ji baoom do ji tah'yyb mahũũm nesa do ji her'oot, nesaa do ji moo wät hyb n'aa, ji tarejãã na-ããj hë. Taw'ääts hë P'op Hagä Do Sahee tii, bë an'oo baad bë tah'yyb mahũũm hyb n'aa.

19 Tii bã, Saaw-Mo hã hanäng do kejäm do ky n'aa me, ta see pé P'op Hagä Do ji ma ejäm do ky n'aa me na-ããj hë bë maher'ood ta wób.† Tii bã, bë h'yyb gó naa Tak'ëp Hyb N'aa Jawyk Do bë j'aa etsë, bë ma ejäm.

20 Tii bã, P'op Hagä Do Sahee bë tah'yyb mahũũm do hyb n'aa, taw'ääts hë ër Wahë N'aa Jesus Kristo häd gó had'yyt hë bë h'yy gadeja P'op Hagä Do ër Yb wë. Taw'ääts hë sahõnh hë hyb n'aa bë h'yy gadeja ta wë.

21 Kristo bë weh'ëeh do hyb n'aa taw'ääts hë bë da hadoo do bë ky daheeh. Taw'ääts hë kawana-jããn doo gó bë gadoo bë ramaher'ood bã.

ÿÿj hã tamaher'oot do ky n'aa hahÿÿh

22 ÿÿj, taw'ääts hë bë ky daheeh bë patug, Tak'ëp Hyb N'aa Jawyk Do bë ky daheeh doo da.

23 Ta ÿÿm nu gabóg ta patug, Kristo, ta hã h'yy ka'eeh do sa nu gabóg hadoo doo da. Kristo hub hadoo do ta hã h'yy ka'eeh doo. Kristo sa h'yyb tym dëeb.

24 Taw'ääts hë Kristo hã h'yy ka'eeh do ta hã raky daheeh doo da sahõnh hã sa ÿÿm raky daheeh sa patug.

† 5:19 Ta wób ji h'yyb en'yym hyb n'aa tii, sahõnh hë ratsebë hyb n'aa na-ããj hë.

Ajyy hã tamaher'oot do ky n'aa hahỹyh

²⁵ Ajyy, taw'ããts hẽ bẽ kamahãn bẽ äj, Kristo ta hã h'yy ka'eeh do takamahãn doo da, ta daaj hẽ sa hyb n'aa takan'oo däk doo,

²⁶ tsyt hẽ ta wẽ tabasëew hõm hyb n'aa, baad sa hã tabenãm hyb n'aa. Ta ky n'aa hyb n'aa sa hã tabenãm. Naeng me tabenãm hadoo sa hã.‡

²⁷ Tii d' tawén d'oo, tak'ëp hanãm gó takarën ta hã h'yy ka'eeh do rababoo däg kãn, ta wẽ tagadoo noo gó. Takarën dooh hesus hedoo doo pé sa mahang hanäng. Takarën dooh baad nadoo do sa mahang hanäng péh. Tsynt hẽ nesaa do mahãnh, baad had'op doo da rababoo däk takarën.

²⁸ Taw'ããts hẽ ajyy rakamahãn sa äj, Jesus bad'oo doo da né hẽ ta hã h'yy ka'eeh do wẽ. Taw'ããts hẽ sa hã hẽ rakamahãn doo da ajyy rakamahãn sa äj. Jé ta y̆m kamahãn doo, ta daaj hẽ ti takamahãn ta hã hẽ.

²⁹ Ta ti y̆ wén her'oot, dooh ta daaj hẽ, ta hub ty n'aa ges'yyk péh. Ji waa ji esoos ji bahejoonh hyb n'aa, baad ji hag'ããs ji hub hã. Ti hadoo Kristo bad'oo ta hã h'yy ka'eeh do hã, baad ji tabahag'ããs.

³⁰ Sét ken'yyh ëer, ta hub uuh hadoo ëer.

³¹ Hahỹy da takerii däk Genesis hã: “Ti hyb n'aa kä m' aj'yy kä sa yb sa y̆n mahãnh kä sa m'aa hënh kä, tagatëe hyb n'aa ta y̆m kä. Raketëe jawén paa bä sét rabahado padëek ta y̆m daheeh”, § näng kerih doo.

³² Tak'ëp tabahetsooh ta ti kerih do ky n'aa see pooj jé ji nahapäh doo. Hã y̆y, Kristo, ta hã

‡ 5:26 Ji nu kemuun do ky n'aa tii. § 5:31 Genesis 2.4

h'yy ka'eeh doo, séd h'yyb hedoo do ky n'aa ta ti taheer'oot na-ããj hẽ.

³³ Te hub né paawä ta tii, ketëë do sa ky n'aa na-ããj hẽ taheer'oot. Ti hyb n'aa sahõnh hẽ bë ayy, taw'ããts hẽ bë kamahãn bë äj bë hã hẽ bë kamahãn doo da. Taw'ããts hẽ yÿj raweh'ëeh sa patug.

6

Karapee, pahëëw, maruus, sa yb hã na-ããj hẽ tamaher'oot do ky n'aa hahÿÿh

¹ Karapee, pahëëw, maruus, Tak'ëp Hyb N'aa Jawyk Do karapee bë bahadoo do hyb n'aa, bë ky dahé bë yb, bë yÿn. Taw'ããts hẽ né hẽ ta tii da bë bad'oo.

² Hahÿÿ da kerih do hã: “Mawehëë a yb, mawehëë a yÿn.” Jããm pooj jé P'op Hagä Do ky n'aa jaw'yyk do ji ky dahé bä baad hadoo do ji gadoo taky däng do tii.

³ Hahÿÿ da ji hã taky däng: “Mawehëë bä a yb, mawehëë bä a yÿn õm wäd dawëët da badäk hahÿÿ bä.”*

⁴ Bëeh, sa yb, bë ejäg manä bë taah rah'yy ganapõ mahãnh. Taw'ããts hẽ baad bë baw'ëeh baad bë maher'ood sa hã, baad rababok hyb n'aa. Bë ma met'ëëg sa hã nyy da Tak'ëp Hyb N'aa Jawyk Do karën ji bawät.

Sa karom hã, sa kariw n'aa hã na-ããj hẽ tamaher'oot do ky n'aa hahÿÿh

⁵ Bëeh, sa karom, bë ky dahé bë kariw n'aa. Baad bë wehëë sa hã. J'ooj madäk doo me bë moo boo

* 6:3 Dew-Teronom 5.16

manäh bë ramejũũ doo. Kristo bë ky daheeh doo da bë ky dahé bë kariw n'aa.

⁶ Taw'ããts hẽ dooh jããm hẽ bë ky daheeh bë moo bok do tahegãã bã, bë hã taj'aa etsẽ bë karẽn paawã do hyb n'aa. Kristo karom bë bahadoo do hyb n'aa, bë h'yyb gó naa, P'op Hagã Do karẽn doo da bë moo boo sahõnh hẽ.

⁷ T'õp bë h'yyb gó naa, tsebé doo me, bë moo boo bë ramejũũ doo. Taw'ããts hẽ Tak'ëp Hyb N'aa Jawyk Do wẽ bë moo bok ta ti bë h'yyb gó, ajyy wẽ had'yyt nado.

⁸ Hahỹ bë hyb n'aa newë: Sahõnh hã Tak'ëp Hyb N'aa Jawyk Do anoo da baad hadoo do ji moo wäd wät do mabaj, ta see karom ji do bã, sa karom ji nado bã na-ããj hẽ.

⁹ Bëeh, sa kariw n'aa hedoo doo, bë karom bë raweh'ëeh doo da bë wehëë na-ããj hẽ sa hã. Bë eãm manã bë karom, sét né hẽ ji Kariw N'aa hỹ pong jé hawät do bë bahapäh do hyb n'aa. Bë karom sa Kariw N'aa, bë kariw n'aa na-ããj hẽ né tii. Ta ti dooh tasëew bã ji mahang. Séd gó tagadoo sahõnh hẽ. Ti hyb n'aa tabad'oo doo da bë bad'oo.

Ji mo n'aa jesuu n'aa ky n'aa hahỹh

¹⁰ Tagadëeg ub bë ÿ maher'oot hahỹh: Bë h'yy kahejój Tak'ëp Hyb N'aa Jawyk Do hanaa, tak'ëp hadoo do ta hejój hanaa.

¹¹ Kaneb'ooh do pooj jé sahõnh hẽ ta mo n'aa jesuu n'aa warahén dadäk doo da, ta kuman tado däk doo da, bë dadäg hadoo bë mo n'aa jesuu n'aa, bë ado däg bë kuman hadoo do bë hã P'op Hagã Do an'oo däk doo, Dijab karẽn bã bë tawadii, bë hã tanahajaa hyb n'aa, ta hã bë j'aa ketsë hyb n'aa.

12 Ta ti ÿ wén her'oot, dooh ajyy ér majiĩ rado bä. Karap'aar h'yyb nesaa do hedoo do hyb n'aa jeyyk doo, nesaa do hejój n'aa näng doo, badäk hahÿÿ bä badagyp do hadoo doo gó habok do hã bag'ããs doo, ti né hẽ ér majiĩ. Kabaj'aa hedoo do nesaa do wẽ hã habong doo, ti né hẽ na-ããj hẽ ér majiĩ.

13 Ti hyb n'aa, bẽ ado däg sahõnh hẽ bẽ mo n'aa jesuu n'aa, bẽ kuman hadoo do na-ããj hẽ P'op Hagä Do anoo doo, nesaa do bẽ wẽ takajaa noo gó nesaa do bẽ hã tanahajaa hyb n'aa, sahõnh hẽ bẽ bahajaa bä kä, bẽ j'aa ketsë hyb n'aa kä.

14 Baad bẽ hyb n'aa matakä däg. Bẽ ehub had'yyt hẽ bẽ her'oot do hã, ér majiĩ wẽ bẽ bahej'oonh hyb n'aa. Warahén ta baa wyd tadadäk doo da tii, tanahewaat hyb n'aa. Warahén ta h'yyb gatsapoog n'aa tadadäk doo da baad takan'yyh hyb n'aa, baad had'op bẽ aboo baad bẽ kan'yyh hyb n'aa.

15 Warahén ta tsyym suun tapadedëek doo da takahej'oonh hyb n'aa, tii da baad bẽ gado panyyg hanäm doo, h'yyb nyw gó ji bawät hanoo doo, nesaa do hã bẽ h'yy kahej'oonh hyb n'aa.

16 Warahén gatoj jesuu n'aa hadoo ji h'yy ka'eeh doo. Bẽ h'yy kae né hẽ. Bẽ h'yy kae bä bẽ hajaa bẽ meduuk gatoj hadoo do hahõng do Nesaa Do Yb hanaa. Bẽ h'yy kae bä, bẽ hajaa bẽ medug bä Nesaa Do Yb bẽ tah'yyb tatuk doo.

17 Warahén ta soog sapaar s'ëeb tadadäk doo da, baad bẽ hyb n'aa newë had'yyt hẽ bẽ Jesus edëeb wät né hẽ nesaa do mahãnh. Bẽ ado däg na-ããj hẽ P'op Hagä Do Sahee anoo do sën-jeer, P'op Hagä Do kyyh.

18 Bẽ er'ood had'yyt hẽ P'op Hagä Do sii, bẽ hã ta

Sahee h'yyb mahũũm doo da. Bë ky n'aa ets'ëë bë tamasaa had'yyt hë hyb n'aa. Bë hyb n'aa matakä had'yyt hë. Bë h'yy gejë hõm manäh. Bë ky n'aa ets'ëë had'yyt hë ta wób Jesus hã h'yy ka'eeh doo.

¹⁹ Taw'ããts hë hëp ÿ n'aa na-ããj hë bë ky n'aa etsëë, ÿ ber'oot bã, P'op Hagä Do anoo hyb n'aa hã ÿÿ ÿ her'oot do pan'aa, h'yyb neÿÿm doo me ta ky n'aa hanäm do pooj jé ji nahapäh do ta wób hã ÿ maher'oot hyb n'aa.

²⁰ Ta ti ky n'aa hanäm do rod n'aa ÿÿh, Jesus mejũũ doo, ÿ rawén dawäts gëët. Hëp ÿ n'aa bë ky n'aa ets'ëë, ta ky n'aa hanäm do h'yyb neÿÿm doo me ÿ baher'oot hyb n'aa, hã ÿ Jesus karën doo da.

Paw-Ro kedëë hõm do ky n'aa hahÿÿh

²¹ Tikiko, ër hÿÿj hadoo do baad ër kamahän doo, baad ãã sii Tak'ëp Hyb N'aa Jawyk Do wë moo wät doo, bë da tamaher'oot sahõnh hë këh ÿ n'aa.

²² Bë wë ÿ mejũũ tabahõm bë tamaher'oot hyb n'aa nyy da babä ãã babok, bë tah'yyb en'yym hyb n'aa na-ããj hë.

²³ ãã karën h'yyb näw, kamahän doo, baad h'yy ka'eeh do na-ããj hë P'op Hagä Do ër Yb, Jesus Kristo Tak'ëp Hyb N'aa Jawyk Do ranoo bë hã hãj haa hedoo doo.

²⁴ ãã karën sahõnh hë ër Wahë N'aa Jesus Kristo hã had'yyt kamahän do wë P'op Hagä Do ky enyym. Jããm hë kä.

Pop Hagä Do Panyyg Hanäm Do Hahÿÿh
The New Testament in the Nadëb language of Brazil
(BR:mbj:Nadëb)

O Novo Testamento na língua Nadëb do Brasil

copyright © 2011 Wycliffe Bible Translators, Inc.

Language: Nadëb (Nadëb)

Translation by: Wycliffe Bible Translators

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Nadëb

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-29

PDF generated using Haiola and XeLaTeX on 18 Apr 2025 from source files
dated 31 Aug 2023
c5681c4e-55f8-5b64-badf-af07c5e28afc